

lui quanto disse, ovvero l'hanno cambiata o quelli noncii de li fata un'altra, per il che lo ha rimandato fino li a Lover; e scrive è bon far *omnino* dagino li ditti danari per forza, non volendo darli per bontade. Ozi non è ussito di lo alozamento per dubito di lanzinech e fantarie e zente d'arme, che tutti lo cruciano per danari, *videlicet* francesi, perchè francesi li hanno dito, lui Provedador li dia pagar e non 213 vol pagarli; et monsignor di Scut fradello di Lutrech con quelli capitani francesi è venuti a lui, et oltra li danari richiesti, voleno continuar le spese. Era li con esso Provedador il Governador nostro; i qual usono parole sanguinose e si voleno levar e andar alozar sul brexan, per il che li ha convenuto prometer di continuar ancora in farli le spese per 6 zorni: zoè brexani le fazino etc. Scrive, bisogna aver gran advertentia; non si pol seansar ad un trato tute le zente etc. Monsignor di Lutrech per questi danari dia aver, dice la Signoria fa poco conto di lui, per il che è molto sdegnato; li venturieri e guasconi lo molestano assae. *Item*, li ducati 2000 servi i brexani non li ha ancora potuti rehaver, sichè si vede disperato: la cosa importa, e si mandi danari e danari subito, al contrario seguirà gran mal. *Item*, aspettano la risposta dil vescovo di Trento.

Fo poi leto una *letera di sier Nicolò Pasqualigo, podestà e capitano di Vicenza et cavalier*. Avisa di certo caso seguito, che uno domino Nicolò dal Sal dotor, andando a hore 23 a una sua possession a Creazo, era a cavallo con uno fante a piedi, fo assaltado da tre a cavallo e datoli 9 feride e morto e toltogli ducati 14; per il che vol autorità dar taia, e li soi fioli vol dar lire mille dil suo e haver autorità, sapendo, bandirli *ut in litteris*.

Et fu posto per li Consieri, taia lire 2000, et si uno di tre acuserà li altri, sia asolto, e chi quelli amazerà habbi 500 lire, et darli autorità bandirli etc. Ave 176, 2, 2.

Fu posto, per li Consieri, Cai di XL e tutti i Savii di Colegio, una *letera over mandato a Anselmo da Molin podestà di Parenzo*, atento li è stà scritto più letere voy mandar di qui la marzeliana di Zaneto da Zara patron con tutto il cargo intacto per lui retenuta per contrabando, il che non havendolo voluto far, perhò con il Senato se li scrive debi subito mandarla sotto pena di privation di quel rezimento e di tutti ofici, rezimenti e conseggi di la Signoria nostra per anni 10 *ut in parte*, et fo presa.

Fu posto, per li Savii, atento è una antichissima lite de confini tra gli homeni di Breno in Valchamonica et quelli di Val di Scalve, però sia preso di

elezer per scurtinio in questo Consejo tre honorandi nostri zentilhomeni, i quali andar debano sopra il loco di la diferentia; ai qual loro parte si hanno oferto darli ducati 25 per uno per il tempo starano fuora, et farli le spese di l'andar, star et di ritorno, vadino con cavalli 4 per uno et uno stafier per uno et uno secretario di la cancelaria con il suo famejo, possino terminar, sentir etc. per la mazora parte di loro, et la apelation vadi a li Consegi. *Item*, li casi criminali siano riservati a li Avogadori nostri. Et fu presa. Ave 181 de si, 9 de no.

Scurtinio di quattro Savii dil Consejo, in luogo di sier Anzolo Trivixan, sier Zacaria Dolfin, sier Zorzi Corner el cavalier procurator che compie, e sier Marco Minio va orator in Corte, e dia intrar poi el sarà partito, et sarà per 3 mexi solamente.

Sier Christofal Moro, fo savio dil Consejo, qu. sier Lorenzo . . .	102.105
Sier Zuan Venier, fo cao dil Consejo, qu. sier Francesco	84.118
† Sier Nicolò Bernardo, fo consier, qu. sier Piero da San Polo	118. 92
Sier Vettor Foscarini, fo consier, qu. sier Alvise dotor e procurator . . .	110.100
Sier Zuan Badoer, dotor, cavalier e ambador in Franza	83.133
† Sier Alvise da Molin procurator, fo Savio dil Consejo	135. 72
Sier Alvise Grimani, fo consier, qu. sier Bernardo	69.140
Sier Polo Capello el cavalier, fo savio dil Consejo, qu. sier Vettor . . .	117. 90
Sier Piero Trun, fo savio a terra ferma, qu. sier Alvixe	107.103
Sier Gasparo Malipiero, fo savio a terra ferma, qu. sier Michiel . . .	44.166
Sier Marin Zorzi dotor, è ambador in corte, qu. sier Bortolo	87.123
† Sier Lunardo Mozenigo, fo savio dil Consejo, qu. Serenissimo Principe . . .	154. 53
Sier Piero Capelo, fo savio dil Consejo, qu. sier Zuan procurator . . .	98.110
Sier Alvise di Prioli, è provedador a l'Arsenal, qu. sier Piero procurator	58.134
Sier Zuan Paulo Gradenigo, è provedador zeneral in campo	55.154